

des choses diuines, comme humaines:
e ce peult fayre, veu les effectz de la fu-
ture prediction s'estendāt loing. Car les secretz
de Dieu sont incomprehensibles, & la vertu
effectrice contingent de longue estendue de
la cōgnoissance naturelle prenēt son plus pro-
chain origine du liberal arbitre, faiēt aparoir
les causes q d'elles meimes ne peuvēt aquerir
celle notice pour estre cognuës ne par les
humains augures, ne par aultre cōgnoissance
ou vertu occulte cōprinse soubz la concavité
du ciel, mesmes du faiēt present de la totale e-
ternité que viēt en soy embrasser tout le tēps.
Mais moiennant quelque indiuisible eternité
par comitiale agitation Hiraclienne, les cau-
ses par le celeste mouuemēt sont congruës.
le ne dis pas mon filz, affin que bien l'entēdes,
que la cōgnoissance de ceste matiere ne se
peult encores imprimer dans ton debile cer-
veau, que les causes futures bien loingtaines ne
soient à la cōgnoissance de la creature raiso-
nable: si sont non obstant bonement la creature
de l'ame intellectuelle des causes presentes lo-
ingtaines, ne luy sont du tout ne trop occultes
ne trop reserées: mais la parfaite des causes
noti